

同帝皇子信濃宮 征東將軍  
一品入道宗良親王  
元中二年八月十日於并伊城七十三  
葬于南宮六幡社後林中

同帝子 大塔宮  
二品兵部卿護良親王  
建武二年七月廿三日 二十八  
於藥師堂谷窟中

同帝子阿彌宮 征西將軍  
一品式部卿德良親王  
元中六年三月十六日 六十  
於高田御所

後村上白子  
三品兵部卿師成親王  
元永元年九月  
於防州山口 法名惠梵

後龜山第一子  
一品大宰師世恭親王  
天授三年七月十日 十八

在山城國愛宕郡永觀堂道南畑中今人家垣際  
冷湛寺殿墓印塔知久氏建之土人

淨光明寺在遠江國引佐郡井伊谷龍潭寺境内  
又河内石川郡山田村六分寺址十三重石塔墓現存

麓山悟真寺在相模國鎌倉郡二階堂村  
石塔墓

法泉寺今廢  
在肥後國八代郡宮地村

如意輪寺在周防國吉敷郡山口

以上 在大和國吉野郡金峯山

陵墓御火葬地共凡百七十九箇所 法久井清影謹誌

上官長論山陵賤

洛西野人津久井某謹獻書 官長閣下恭以  
閣下文武英果忠厚寬恕來蒞茲都之日首拔民間  
疾苦通冤滯賑貧困早朝晏退夙夜匪懈嘗惻上都  
之損景勝去年春出令重禁毀傷高雄嵐峽之楓櫻  
廷叱僧徒糾責不法都人士女同然庶嘉功美績繼  
出某草莽鄙生殘喘棄物幸生盛明遭逢非常之大  
君子俯喜時會之熟仰感恩養之優遂有區々之志  
情不可嘿而已 閣下幸擴言路無拒其狂直某雖  
今日奏而明日瞑纖芥無憾寅告上如左某少小最  
耽典籍特注心 皇朝史乘偶閱山陵志中言  
帝陵頹壞之狀未嘗不掩卷而泣下也竊自謂方今

聖上撫運百廢興發獨山陵一議未足飽人情也饒  
教官家不暇修之苟食其土者何不盡尊崇焉乎  
哉欲試以此于諸侯顧職非其人加以吏道之倥偬  
未公詔人矣居諸荏冉空抱素志某昔以廕補蚤塵  
吏曹末而於材無可取於德無可議况亦天與疲弱  
不欲永壅賢者之路屢移病乞休退職以來用流巖  
甸歷拜累聖山陵因記其摸制以備異日之采費  
越壬子春山陵點檢之命下不圖以賤息充奉役某  
喜出望外私於使者曰凡墳陵事蹤躅紛繁茫叵確  
據者不特為少矣參摺咨謀不積以日月未輒易決  
定古今論者騁說互出彼此抵牾大都雖傳故家之  
筆札藉父老之口實要之不過臆度偏見之二今觀

元祿享保之論定似少有粗漏試言其一夫實平  
幽宮奉于仁和寺大內山蓋下火所在其山後宇  
多野衆之所仰瞻和列適有同名以故至遂謂大和  
國宇多陵所在不知夫審決正偽必無遺憾也識者  
猶艱之而况其他哉宜召學問淵博通曉今古者以  
揅之行間兩府故事凡審實機密悲田院垣外屬例  
任之今亦踵襲旧制以至尊陵墓付之乎揅庸賤  
人恐非所以副國家恭頌之意也雨曹其心之庶  
依學士柴野氏採訪和列故事分差使臣於四方檢  
討陵地嘗薦其說祭酒林君時以儒官無堪其任者  
弗錄用其甚失望然守志彌堅專尋板援之路矩意  
閣下誤聽不以其駑下訪以當世其喜懼交苟臬陳

帝陵頹敗之狀。閣下每言稱善當是之時，其心竊  
誇寵榮以為。帝陵事必成於閣下之手，亡幾果  
有。檢陵之令躬親巡視近郊，特簡僚屬中，鎮密純良  
者，讀協其議，包容不舍。於是好古篤志之倫，爭獻所  
見，僉願為閣下用。某領命以來，感戴罔鄂，刮目以  
望。事成，仄策大朝，重發令曰：當今以國用叢控，庶  
績蝟毛，姑因循元享之旧制，補理從前之垣柵。又聞  
坂府奉令，既就祇役，若然者，山陵志已降，諸家所述  
作當，真不問是非。某之所大望乎今日也。恭以  
聖子神孫，臨御宇內，奕葉累世，宰制生民，河山之固  
六服來同，帶礪之誓，九列奔走，可謂皇統億載，天  
下一家者。而山陵之典，饗未備具，某竊為明時惜之。

比年蠻夷並進，民情不靖。朝廷大有事于群神，於  
斯時也，決行檢陵，垂禁禦之法。於將來實足答上帝  
之眷，相清邊陲之祲，氣愚民之貪利。帝陵后墓不  
識，那物有盜，土石斬樹，木暴露，斂具至甚者，起亭樹  
窮，宴佚於其上。某偶覩之，不覺汗洒透衣。今舉狀其  
近，以仰遠方之思，察坊祈閣下少垂鑒念，伏惟近  
京如深草木，幡諸地。桓武以下中葉，妃嬪勲減之  
壘，壤相望，郊野歷年之久，遺址存者無幾耳。近時陶  
瓦多取材，此或往往墾闢田圃，林藪山丘，漸作平野。  
封隧奄為稻麥，嗟取陵上一杯之土，尊民間棲息之  
屋，巨罪章々，蠻籽其軀，何以足慰神威。謹按畝火山  
之神，武陵柏原之，桓武陵此。帝陵之尤者，宜

超他顯異崇禮今此二陵實滅厥所國家之闕典  
莫甚之某不量其分先以檢尋拍陵為已務或勞  
力履歷或覃思舊志其事雖細微勤苦不敢讓故人  
概昔之論者皆依準偽陵費甯辨此即所以不得其  
真也一云今伏見城山古御香大龜谷總柏原之地  
也然而陵之所在為城中央築城時陵壞必矣一云  
小栗柶管內一丘稱大堯者即是也一云谷口人家  
之東左傍俗呼山伏冢即陵也帝潛龍時稱山部  
山伏蓋山部之轉吡也以上紛紜不決其徒殆倦搜  
索遂泥執於山槐詔中柏原者伏見山松原中也又  
入伏見柏原內等之章句雷同於松蒲二氏者有之  
按城山古之木幡山巨幡墓及閔址今現存焉陵壞

說乃不取也仍憶雄略紀載深草埴器條曰山脊  
國內俯見古者深草都稱伏見三峰稻荷社今稱伏  
見稻荷此其類也然則山槐記之伏見山恐非城山  
矣以愚見論之山伏冢此為初葬之陵冢畔有溪流  
一帶常史載大同元年十月御改葬事註云是歲大  
水或山陵壞損以故有遷築之舉者此邪又其東南  
有稱龕前堂原地豐公居伏見時穿其丘後通道山  
階自是遂失其位置惟南面存巍々之狀恰與延曆  
年間之制合又其東方有小丘呼曰御輿冢以有此  
等人之指勘地為葬所不亦宜哉是為其一證陵本  
名拍原今偏稱擬陵不唱他以故世俗莫知谷口之  
為拍原者而其邊總稱御草山廣袤東西六百十六

弓南北千九十八弓中有深草管地之犬牙焉東踵于向原頂上西踵于大龜谷內大谷町此所上古和列之官道南踵于小栗栖道右北踵于瓦町東北峰四疆俱十一町乃合於兆域之古法而陵固倚西被置域內亦以有山谷經界不釐正故式云東八町西三町又云加刃寅角二岑一谷今其北方有谷呼一之谷其為域內可知也又古記載柏原陵從東邊二町許入在稻荷山南野今之御草山古之為柏原是為其證大嶋武好山城名勝志云大谷口山右向原者是恐柏原旧跡也又並河永山城志云柏原野在大龜谷北土人呼乞巧原類聚國史曰延曆十四年八月遊獵于柏原野又僧白慧山列名跡志云柏原

地名曰谷口同所但此號今不稱中比轉云癩病原其故地在御陵土人不知之登穢者間為癩病依而號也谷口之為柏原此丘之為真陵是為其證其他參證數柄今不煩條陳另欲吳一書鳴痛哉聖王之山陵名實兩廢至雖父老曰茲朝夕來往者不認辨之所以然者何請姑援他辨之隆治以還帝陵類圯相踵如上演而大和地為尤甚猷廟時寧樂府進奏云大和國帝陵無之元祿頃京兆尹松平源公謂曰前年寧樂以何術隱伏其難隱伏者有司猶如此下情奚足怪往昔喪亂不失巍巍之姿却失於昇代檢陵之日者亡他檢吏之所臨視驅役下民推究口狀來往繹尋不一而足土人不堪勞擾相爭

匿真欲以免其苛督也草山志有云深草山者東西  
十町餘南北十八町餘旧爲深草任士秦氏之私德  
慶長頃其家獻馬糧於烈祖歷朝定以爲貢草地  
京兆府世下制章禁侵犯山中原谷凡可五十皆古  
跡也此記蔽匿數多之古跡或亦指擬陵地曰拍原  
僉匪徒之欺騙同和州某便遣人于秦氏後長谷川  
某乞貸御草山圖其家秘惜不出強請閱之驟昧罔  
標其爽然自失于昔偶聞山本院秀建者語遂獲其  
驗左傳者道曰山本院實淨藏之胃淨藏嘗以業力  
安法觀寺塔天子賞以深草山之地嗣法相傳住  
于龕前堂原中屬坊宇文書悉付兵火子孫遂衰世  
臣秦某幸之檀棄賜地獻諸公所闕原役以功已爲

其頭目遊古谷口全村奉桓陵之守戶謹今彼家  
有凶禮闔鄉來會葬享秦某亦佐執紼因示以正嘉  
二年諸陵雜事記一道中有云拍原陵下司大進阿  
闍梨其子永秀世又稱元祿檢陵時秦某怖奸詐之  
露與里人長三相謀指點他山爲帝陵併沒拍原  
之稱呼爾後其家宗厲竝臻子孫不祀餘殃之所延  
他人有室者亦皆死于狂癩癩疾乞丐原之名果不  
浮今也龕前堂原及山伏冢寔爲野樵鉅竹只古松  
數株財不失旧裝會泉涌寺土木之功興山伏冢古  
松亦所充用嘗聞伐此樹時役夫有蒙傷害者假令  
不真陵一旦神明之所憑決不可行凌辱如右蓋深  
草木幡或仁和寺諸地之陵墓被剝蝕也由於伏見

聚樂之營築至此上來之諸說一一脗合龕前堂之  
為桓陵山本院之為守司又秦氏及長三等之為  
隸屬判然而定竟乃多日之疑矇湔洗斷乎自得因  
不自揣恭欲作聖蹟圖志一編以頌告四方成稿有  
日續當繕寫進呈嗚乎汚陵者之病癩秦氏之絕  
祖饗實天誅灼灼者可不悼畏哉今夫傭夫墓奴逢  
佳時今日猶獲上墓望壙布香火陳酒菓以慰其先  
庶地下赫赫皇祖橫遭犯濫失威靈之所託某愼  
志之痛息慨嘆殆忘起臥方今財路日繁蠲租之地  
而貢賦封外之士羅金穀其下不堪誅求罪逆非理  
誅上之人重設共恪之章誰敢穢之侮之仰望

閣下傷陵所湮蟻如彼怨愚忠贊去此指摘典  
故參畫公卿併與閣下向來所自考定仔細收錄  
輸送大朝載之簡冊納之秘府設必依旧制不許  
所告訴先簡拔真陵顯著者宣喻國侯邑主厚行  
奉護又其羅穢辱者覆土石禁芻牧柵埒皆如初以  
茲異日之裁命其小國無租廨及係寺觀之封內者  
所轄官署便宜共給吏者常以歲時按部專察奸民  
不法且後村上後龜山二陵本在擯方中請從  
今列之于諸陵速踰其郡國同加尊理策者苟有人  
心皆驩欣頌昔若夫寬平之於仁和寺弘仁之  
於大覺寺兆域崇侈時饗不闕并非今日考問之例  
也但有司錄之巡視勿失其時則長免可傷之患今

也中外多事度支告急之時雖然閣下少聞慮以  
 討事宜則不至多耗錢穀勞吏民矣在古策應帝  
 之崩也賈人魚屋其盡傷天子火葬之違祖制感  
 奮鳴志有司廟廊善之葬禮遂復古典又河屍氏吏  
 五條日加禮管內之山陵令民知其可敬畏以垂  
 子載不遷之法後以善政多改任松前嘗請造巨艦  
 攻山舟其忠勇凡如此時人錄其著者傳之乎世惟  
 修陵一事遺而不載為可深惜况公侯有土之君  
 於封地之陵墓闕其崇禮而可邪願閣下襲茲嘉  
 謀服茲令聞聽其上稟則天下大幸也狂冒至愚不  
 知所置惟閣下寬其罪其誠恐以聞

（呈）